

羊軼聞

（印）

月光

血影

錄

（印）



月刊
小說新報

●內容 每冊十五萬言

插畫 小說 談薈 香囊 豔牘 藝
傳奇 彈詞 諧藪 劇史 謎海

●價目 全年十二冊

全年大洋四元

半年二元二角

每冊大洋四角

郵費外加五分

●贈品 第二年贈例零售不贈

全年贈畫四幅

半年贈畫二幅

郵費七分二厘

民國五年十月再版

刀光血影錄一冊

定價大洋六角

譯述者 瀨江濁物

發行者 國華書局

印刷者 國華書局

分售者 各省書坊

版權所有
翻印必究

總發行所
上海四馬路
國華書局

序一

女子之可述者有三。曰德。曰才。曰色。色不易得。才色兼備。則尤難。若三者俱全。是難之尤難矣。嗚呼。此黃淑華之所以難能而可敬也。淑華以碧玉之姿。丁紅羊之劫。遭家不造。母兄被戕。煢煢弱質。陷於暴兵。在尋常女子處之。必爲威武所屈。不獲全貞。卽明曉大義者。能捨生取義。視死如歸。已屬不易多覩。乃淑華獨異。是等而進之。力爲其難。夫一死自全者。淑華之易事也。復仇殺賊者。淑華之難事也。淑華爲其難而不顧。忍辱合垢。臥薪嘗胆。卒之有志竟成。如願以償。當其遇難之時。甘言給賊。同行千里。而賊不之犯。復仇之日。鳩酒殺賊。同處一堂。而賊不之知其才何如。身遭強暴。

嶮然不污大仇。既復一死。自明其德。又何如是。蓋大丈夫所難兼備者。弱女子乃無不爲之。非所謂足以驚鬼神而震河嶽者乎。慨自世變以來。教化凌夷。風俗頽敗。君子道消。小人道長。而道德之墮落。以女界爲尤甚。聞貞烈二字。幾將掩耳疾走。視爲學究村談。循是而往。不至人禽之界。泯滅不止。聞淑華之風。其亦有奮臂而興。投袂而起。作中流之砥柱者乎。瀨江許君近取淑華事蹟。著成刀光血影錄。吾知是編一出。有功世道人心。當非淺鮮。書成。丐吾一言以爲弁。爲誦謝疊山句曰。慷慨赴死易。從容就義難。吾敬淑華之殺身成仁。尤敬淑華之從容就義。故於刀光血影錄。樂爲之序。

歲在丙辰墨隱廬主昆陵李定夷譔

序二

余讀隋唐之史。觀陳夫人既事文帝。復下蠱。楊帝輒歎婦人受人之德。君亡而不能以身殉。反折節以事仇人。雖不得謂之負心。蓋亦負恩矣。及觀天寶軼事。祿山反叛。貴妃賜死。毅然奉命。毫無苟生之態。以爲婦人至此。欲不稱爲奇女子。不得也。而孰知禮教衰教之餘。又有黃淑華其人。能保堅貞之節。而刃仇人之胸。殺賊自殉。節智兼全。嗚呼。烈已。夫女子。至於今日。孱弱極矣。嬌柔豔妝。無非爲男子行樂之具。愛之抱諸懷。憎之幽於室。低首宛轉。莫敢誰何。卽有人焉。掠之而污其身。稍有廉恥者。惟掩面啜哭。涕泣自傷。下之更棄舊喜。新逢迎之。惟恐不得其歡。聲名敗烈。莫此爲甚。誰有如淑華之從容就義者。嗟乎。四維不張。二南代遠。禮教日墮。倫紀蕩然。爲情噫。

嗚。遑。論。從。一。求。之。近。百。年。中。如。北。宮。嬰。兒。其。人。者。尙。不。一。二。而。况。如。淑。華。以。女。子。之。身。奄。有。節。智。哉。瀨。江。許。子。濁。物。有。刀。光。血。影。錄。之。作。述。淑。華。戕。賊。事。縻。詳。許。子。以。彬。蔚。宿。學。而。傳。貞。女。烈。事。吾。知。其。必。有。可。觀。者。在。也。繪。聲。繪。色。亦。漓。亦。淋。有。識。者。見。之。自。當。拳。拳。服。膺。更。何。待。鄙。夫。之。贅。一。辭。以。爲。褒。貶。然。竊。謂。以。文。章。之。典。麗。而。稱。道。許。子。者。抑。亦。末。矣。溯。自。人。羣。競。侈。中。饋。失。叙。閭。內。之。範。邈。然。已。久。許。子。憂。之。而。爲。之。述。蓋。欲。以。婦。人。而。重。勉。婦。人。也。其。志。豈。在。以。文。章。名。世。歟。豪。傑。俠。烈。魁。奇。之。士。泯。泯。然。不。見。功。名。於。世。者。多。矣。而。淑。華。以。一。弱。女。子。獨。得。許。子。之。闡。揚。不。可。謂。非。幸。也。余。旣。深。羨。淑。華。之。女。德。更。服。膺。許。子。之。文。采。故。爲。之。序。

丙辰春一月古越劉裴邨序於滬上之旅次

刀光血影錄回目

第一回

默寫碑文野史開幕

宴設湯餅外祖題名

第二回

求應試卽席賦新詩

游泮宮名場欣得路

第三回

秋風蹭蹬棘闌失意

冰雪聰明絳帳傳經

第四回

美婦佳兒同時完娶

拋妻撇女撒手歸真

第五回

妙語解頤消釋悲懷

吟詩步韻共尋樂事

第六回

途遠行絮語叙離悵

聞警耗傷心憐愛女

第七回

慘黯烽烟全家遭劫

淒涼夜月三美聯吟

第八回

住危巢養晦學農圃

驚豔色灌畦遇強梁

第九回

思深慮遠疑心無限

威脅利誘矢志不移

第十回

千里奔馳甘心從逆

半月期望轉眼成空

刀光血影錄

二

第十一回

恨綿綿淒吟傷心句

情切切維誦斷腸詞

第十二回

書室對泣互悲身世

華堂稱觴共盼捷音

第十三回

芳心輾轉預防後患

姦謀深沈不忘前因

第十四回

黑夜行兵洲平九派

白天慘殺殃及全家

第十五回

懷利器矢志戮仇人

因阻風無意逢義妹

第十六回

采石磯邊千秋遺恨

湘潭市上二賊談心

第十七回

旅邸蕭條傷心自叙

燈光黯淡絕命成詩

第十八回

色心重熾明作蹇修

假意相從暗投毒藥

第十九回

刀光閃閃深夜誅仇

血影紛紛從容就義

第二十回

一片心香淒涼弔烈

三尺桐棺寂寞歸魂

紅羊
俠聞
刀光血影錄

瀨江許慕義著
毘陵李定夷評

第一回 默寫碑文野史開幕 宴設湯餅外祖題名

嗟乎。荆軻。聶政之流。專諸。要離之輩。身雖長往。而英氣。颯颯。流傳人間。後之人。披書留連。徘徊。弔古。猶如。觀其。義烈。英風。而。豔稱。不置焉。若夫。深閨。淑女。朱門。弱質。身逢禍亂。猝遭強暴。卒能完節。全貞。從容。鎮定。手刃。讎仇。大恨。以雪。其智。深而勇。沉謀。遠而慮。周雖古之烈丈夫。又何加焉。然其人。而爲紅線兒。聶隱娘。之流。亞乎。則騰空。躡跡。飛劍。誅仇。玩強。徒於股掌之上。全節操於亂離之中。固其餘事。無足異也。茲則璇閨。深處。弱不勝衣。嬌如帶露之花。匿錦幔而猶恐日炙。柔若初茁之草。覆雲堦而難禁風摧。幼庇萱蔭。未聞。吒之聲。長事詩書。不識刀劍之面。自宜身藏瓊樓。根詩月殿。高築避風之臺。享豔福。於瓊闥。嫁得金龜之婿。慶和平於室家。始可以彌情天之缺陷。靖孽海之波濤。翻却千古紅顏薄命之例。而成一代之風流佳話也。已乃長空皓月。偏被雲遮。上苑瓊葩。終遭雨濕。身隨紅羊之劫。難返碧海之魂。燕棲危幕。覆巢。竟無完卵。鵲集枯枝。滿眼都生荆棘。烽火連天。旌旗蔽日。居圍城而心胆俱碎。聞鼓鼙而夙夜頻驚。猶幸。

未。斃。於。賊。手。詎。意。翻。厄。於。官。軍。蓋。大。帥。之。號。令。雖。嚴。而。麾。下。之。肆。虐。仍。酷。以。致。火。延。崑。崗。玉。石。俱。焚。毒。偏。閭。閻。天。日。皆。黯。痛。母。弟。之。慘。死。悲。兄。嫂。之。淪。亡。全。家。既。已。灰。燼。弱。息。復。遭。擄。掠。此。身。何。幸。竟。罹。陷。穽。欲。死。不。能。難。脫。網。羅。嗟。乎。昊。天。不。弔。降。厥。兵。戈。毒。饑。所。至。遑。問。良。賤。當。此。之。時。固。無。所。謂。人。道。也。然。芳。心。堅。決。詎。畏。強。暴。之。侵。而。柔。腸。轆。轤。早。定。報。復。之。策。刀。光。閃。閃。取。得。仇。人。之。頭。血。影。紛。紛。盡。灑。香。羅。之。袖。深。襟。既。報。俾。死。者。瞑。目。含。笑。歡。喜。於。冥。漠。之。中。大。恨。全。消。卽。生。者。亦。懸。樑。自。盡。歸。魂。於。乾。淨。之。土。若。金。陵。烈。女。黃。淑。華。之。舍。生。取。義。手。及。仇。人。報。怨。雪。恨。從。容。就。死。其。義。烈。英。風。昭。垂。千。秋。誠。不。愧。爲。女。中。丈。夫。巾。幘。英。雄。矣。彼。荆。軻。聶。政。之。流。專。諸。要。離。之。輩。恃。血。氣。之。勇。憑。一。時。之。憤。猶。能。獵。取。卓。卓。之。名。使。後。世。史。家。嘖。嘖。稱。道。豈。不。衰。若。烈。女。之。苦。心。孤。詣。智。勇。兼。全。深。思。密。慮。孝。烈。俱。備。者。又。烏。可。以。不。傳。乎。烈。女。姓。黃。氏。名。淑。華。字。婉。梨。江。寧。上。元。縣。人。也。父。秉。良。讀。書。積。學。爲。名。諸。生。性。情。方。鯁。不。稍。假。借。然。外。雖。嚴。峻。內。實。寬。厚。歷。代。業。儒。積。祖。書。香。青。箱。付。託。無。慚。清。高。門。第。黃。絹。纏。摩。不。愧。儒。素。家。風。雖。非。巨。富。却。也。席。豐。履。厚。幸。忝。小。康。無。須。問。產。求。田。傳。至。秉。良。之。父。但。以。詩。書。自。娛。不。知。生。計。艱。難。漸。就。衰。替。寢。致。中。落。秉。良。復。懷。慨。成。性。輕。視。財。帛。遇。鄉。里。之。貧。乏。無。告。急。難。相。求。者。輒。傾。囊。賙。濟。絕。無。吝。色。且。幼。失。怙。恃。依。於。叔。嬸。小。子。何。知。聽。其。剝。削。家。資。代。理。未。免。浸。漁。迨。及。長。成。所。餘。已。無。幾。矣。而。秉。良。天。真。爛。漫。絕。少。機。心。但。感。撫。育。之。勤。勞。不。問。家。貲。之。盈。絀。日。惟。閉。戶。讀。書。下。帷。攻。苦。外。事。置。諸。不。問。年。十。六。卽。以。批。首。游。庠。文。宗。禮。贊。其。人。品。卓。越。

學問淵博。常譽之曰。董生落落寡合。胸襟開展。有風光月霽海闊。天空氣概。今雖雌伏。無聞將來。雄日蛟龍。非池中物。但得風雲之助。吾行見其夭矯不羣。昂頭天外矣。逢人說項。衆口皆碑。一經譽揚。身價十倍。乘良自此蜚聲。庠序鄉里。盡知更益。以儀容俊美。丰度翩翩。麗如芙蓉。映日飄逸。如楊柳迎風。口之者。莫不舌橋氣下。咸嘖嘖稱之曰。黃家郎。風流雋逸。飄飄欲仙。豈久屈人下者。將來鴻飛冥冥。鵬程萬里。不可測也。於是富家巨室。貴族豪宗。開東閣之門。設甥館之席。皆欲得乘良爲坦腹東牀。以光門楣。人媒妁絡繹不絕。戶限幾穿。非曰李家之女。美而豔。卽曰張家有女。賢且淑。乘良爲所纏繞。頗難不堪。概以婉言謝絕。時有裴翰林者。家住秦淮河畔。宅鄰莫愁湖邊。淡於榮利。退居林下。生有一子一女。子名小淪。久已授室。女年二八。待字閨中。孔雀屏開。中選無人。玉鏡臺高。擇婿殊苛。裴公愛乘良品學兼優。氣宇不凡。願以愛女許之爲婦。因倩冰人轉致其意。乘良以裴清門望族。江左華宗。得締絲羅。榮幸奚似。且深知其女。精通翰墨。德性純良。以主蘋蘩。誠內助也。乃商之叔姪。慨然應諾。擇吉迎娶。入門之後。夫婦和順。倡隨相待。鼓瑟鼓琴。其樂可知。然乘良家中落。處境頗艱。殊勿能支絃殘局。不得已。設帳授徒。藉區區之修脯。添補家用。猶幸才名素著。生徒頗多。一室啣哺。生涯殊不落寞。裴氏復工於針黹。終日勤勞。爲人作嫁。所入亦復不少。以是之故。漸覺寬裕。不憂凍餒矣。光陰如駛。寒來暑往。春秋代謝。已歷十載。此十載中。裴氏連舉三子。長名乃珪。次曰乃璋。三曰乃瑾。堦前玉樹森森。挺秀膝下。芝蘭郁郁。生香家庭之樂。至

此極矣。秉良每於課餘無事之時。與裴氏對坐室中。命乃珪乃璋。讀書習字。而乃璵依依膝下。口中啣唔。效兩兄誦讀之聲。有時亦以手握管。作伏案學書之狀。秉良抱之。置於膝上。授以筆。畫略少之字。竟能認識。不復遺忘。歡聚一堂。融融洩洩。絕無憂慮。此樂雖南面王不易也。然家庭之間。雖圓滿無缺。而秉良於歡娛之中。尚有一隱恨之事。藏於衷懷。每一念及。恆太息痛恨。不能自己。蓋秉良具屈宋之才華。擅班馬之學識。胸羅錦繡。字吐珠璣。溫飛卿八叉之號。殆無愧乎。曹子建七步成章。庶幾似之。青年學富。黃卷功深。摘華振采。義望退飛。舒紙揮毫。風雨驟起。復益以深沉堅決之毅力。奮勇精勤之苦心。夙夜自勵。春秋無間。燃藜代燭。家雖貧而學殖無荒。刺股引錐。身縱倦而吟誦不輟。移魏收之胡床。向日驅寒。銳管甯之木榻。下帷攻苦。困勉若斯。能事盡矣。古所謂足不出戶。目不窺園者。又何加焉。宜乎胸咽丹篆。掌盈墨書。凡汲冢斷簡之奧。龍威祕笈之文。莫不度以陸公之廚貯。以邊韶之笥傳。千古之絕學。成一代之文豪也。識者觀其學廣識博。秀絕寰區。業精力勤。氣冠儕輩。咸目之爲翰苑之才。公輔之器。即秉良亦自以爲取青紫如拾芥。獵功名若操券矣。乃機雲才調。空高洛下之名。而燕許文章。不中試官之選。自入泮以來。食餼之後。凡科試歲試。無乎不利。獨至應試秋闈。雖苦心孤詣。竭力經營。詞如敲金。文成戛玉。而衡鑒堂中。終遺滄海之珠。明遠樓前。難免孫山之痛。蓋已三戰秋風。幾揮血淚矣。嗟乎。魄蕩魂驚。無過盼捷之時。心傷目慘。最是報罷之候。讀書人熱心功名。殆無不以斯舉爲畢生之恨事。一世之缺憾也。秉良屢顯名揚。

隱痛在心。非特書齋獨坐。枯寂無聊之時。如輓轡之在胸。卽稠人廣衆之中。家室團聚之候。雖尋歡取樂。欣喜無盡。猶未嘗釋然去懷。故有時書空咄咄。對影喃喃。大類癡狂。有時嘆息痛恨。唏噓飲泣。無故生悲。蓋皆戀戀於功名之所致也。裴氏恐其因此成疾。恆婉言相勸。剴切曉喻。期其忘懷。秉良雖心以爲然。順從良言。暫時拋却。而縱了眉尖。又上心頭。非不竭力排遣。強自遏制。然衷懷抑抑。終難消釋。淨盡毫不。及猶幸家運亨通。添丁有信。裴氏紅潮不至。已有半載。初尙以爲并月所致。茲則漸漸膨脹。已將足月。秉良每謂三子已足。惟冀再生一女。今見裴氏又復懷妊。乃欣然言曰。卿已連舉三雄。此度定獲一雌矣。裴氏笑曰。君之性情。可謂奇矣。女生外向。古之語也。而君常望生女。其意何居。秉良應曰。重男輕女。世俗之人。往往如斯。豈知天地靈秀之氣。恆鍾於女子乎。如曹娥。緹縈之孝。班姬謝女之才。千古豔稱。非女子耶。與其生不肖之男。何如生賢淑之女乎。况兒女繞膝。子壻滿堂。乃爲全福。第有男而無女。亦天倫之缺憾也。吾故深願得一女子。以彌此憾。裴氏聞言。不禁笑曰。君意甚善。妾亦深望得一女子。以償君願也。自是而後。秉良日盼生女。而功名之心。反漸淡矣。歲月如流。轉瞬之間。裴氏已將臨蓐。秉良望女心切。倍覺鄭重。自檢達生之編。親理催生之藥。預囑裴氏。靜坐房中。并僱穩婆。時時看護。諸事俱備。惟俟臨盆。乃待至三日。尙無動靜。秉良自裴氏足月之候。卽不令其耽心家務。一切雜事。均由自理。更益以塾中功課。晝夜勤勞。疲倦已極。遂至書室靜坐。調攝精神。正在瞑目靜養之際。忽聞步履之聲。自外而入。舉首翹盼。始知

妻兄裴小滄降臨。忙起身迎曰。舅兄。日內公事大忙。許久不晤。今日甚風吹臨。小滄笑曰。吾以俗務纏身。久失問候。疏忽之至。今日特奉母親之命。看望妹兒。未知已否生產。秉良恭身應曰。荷承岳母慈注。一二日間。定可生產。語竟。卽遜小滄入坐。小滄亦不謙遜。遂於上首坐下。謂秉良曰。妹丈亦知近日時事。頗爲不佳乎。秉良答曰。弟以令妹將欲臨磨。久不外出。時事如何。絕未留意。舅兄倘有所聞。敢請爲第一言。小滄笑曰。弟亦不過耳食。餘睡恐不足據。以爲憑。惟昨得友人來函。言及李沅發反於湖南。大頭羊大鯉魚等。擾亂沿海。勢極猖狂。頗爲可虞。并附有碑文一紙。係敘述新寧縣烈女。爲賊所掠。竟能全節報仇。其事並非虛僞。所作碑文。乃係駢體。極其哀豔。秉良本有文字之魔。一經言及詩詞文章。不論優劣。總以得能目覩。方始暢懷。茲聞言及駢體碑文。亟思一見。遂謂小滄曰。一紙碑文。事極微眇。而貴友遠道函致。定必文章佳妙。舅兄可否賜弟一閱。以開眼界。而擴心胸。小滄應曰。此文底稿。未帶身旁。妹丈意欲一覽。幸吾尙隱約記憶。其中雖有遺忘之處。然大致猶可不差。何妨默寫一過。與妹丈觀看乎。秉良大喜。卽倩小滄坐於案前。取筆研墨。默寫碑文。小滄遂移身近案。舉筆寫曰。

星現斗極。兵貴蚩尤。羽書夕至。警報宵馳。謝小娥戮力復仇。著千秋之奇節。費宮女負心刺賊。垂百世之令名。幾疑萬古無儔。芳蹤莫繼。詎知十室之邑。貞媛斯誕。

秉良看小滄寫至此處。亟曰。起段已覺哀感悽惻。以下當更可觀矣。小滄拈筆沈吟曰。下文尙有虞潭之。

妣固係命婦張茂之妻。夙受皇恩。殉節而亡。捨生取義。分所應耳。無足異也。一段文字。竟盡却忘。此時且空去一段待吾明日送於妹丈觀覽。再行增入。乘良點首應允。促其速寫。小滄又提筆寫曰。

則有裔出炎帝。派延中州。

乘良觀此不禁詫曰。烈女竟係黃氏。與吾系出同宗。真堪欽幸。小滄點首笑曰。誠然。誠然。即往下寫曰。幼卽知書。長擅定識。鯉庭秉訓之年。烏几吹黎之夜。青燈勤讀。絳帳春生。黃卷摩編。芸窗日永。蓋詩禮之教。稟承有自。故堅貞之性。歷久不泯也。

小滄停筆言曰。此段文字。叙烈女之稟承家教。故能矢志堅貞。以下卽叙其失怙之痛。受教於兄。因何又曾不復記憶。較之自行撰述。尤爲艱難。祇可暫時空去。隨後再補矣。遂又寫曰。

方謂瓊閣柔姿。璇閨弱質。貌欲羞花。不遭雨滴。容堪替月。永免雲遮。乘龍有兆。協簫聲於秦。跨鳳旋催。受鏡臺於溫。氏並肩有玉。攜手生春。翻薄命之成規。享和平之幸福矣。孰意戎馬關山。銅駝荆棘。劫糴紅羊。冤沈碧海。春光洩漏。翠室盡罹兵戈。江水迢遙。片帆竟渡。楚峽大仇未復。傷心之淚。空滴冰壺。深恨難平。絕命之詞。已傳玉版。

小滄至此復沈思良久曰。以下文字。似叙烈女遇一閨中舊識。亦以不受汚辱。投江而死。其後遂舍舟登陸。於逆旅中智斃仇人。然後從容就義。猶記中有燒酒方傾。龍泉復舉。一聯叙來極爲沉痛。如何竟不記。

僊。乘良笑曰。既已忘却。何必多事。思索。待返府後。檢出原稿。付吾一閱。可也。小滄點首。應曰。吾歸去之後。即當送上。決不食言。但末後一段。却都記得。一字不忘。吾當寫出。遂又提筆疾書曰。

於是繡閣知音。深閨舊侶。念攻玉之情。敦分金之誼。三尺桐棺。既殮。俠骨一盂。麥飯復奠。香魂飄耗。飛馳鴛塚。重建三千里。旅櫬遙迎。返於故土。億萬年。華表高矗。永垂令聞。靈兮。歸乎。當泯遺恨。魂有知也。應釋餘悲矣。

乘良看其寫畢。不禁贊曰。文情悱惻。極其哀豔。此種駢文。頗見力量。無怪貴友遠道函致也。但未窺全豹。終難愜意。務請擲下原文。俾吾一閱。小滄點首答曰。此時歸去。即行送來。遂起身辭別而行。乘良送去。小滄回至書室。猶未坐定。忽聞履聲。囊囊步入室中。回首而視。見乃珪含笑而入。微笑言曰。母親產生一妹。慈躬康泰。請父親放心。乘良聞言。欣然笑曰。我極欲生一女子。不意果然遂願。亟命乃珪。相偕入內。看視產婦。見裴氏甚有精神。不覺疲倦。心頗喜悅。略談數語。回身而出。整備洗三之事。裴氏身臥床中。瑣屑之事。均須乘良經理。栗碌匆忙。時光易逝。早又三朝。乘良生性疏略。不喜繁華。故未通知親友。湯餅筵席。祇有裴公夫婦。因看視女兒。於清晨乘轎而來。見裴氏生產平安。生之。女相貌端莊。頗爲欣然。乘良遂請裴公爲新生之女。題取閨名。以便呼喚。裴公笑曰。吾視此女。長眉細目。美豔無比。長成之後。定然淑順溫婉。德容俱備。即取名淑華。字曰婉梨。賢壻以爲如何。乘良恭身答曰。承蒙岳父錫以佳名。長成之後。當令

顧名思義。勿負期望也。絮絮談論。天早旁午。酒筵已備。乃珪邀請外祖父母入席飲酒。裴公夫婦謂秉良曰。既無外客。何用備辦酒筵。秉良笑曰。岳父母慈駕光臨。聊備水酒一樽。以表寸心。裴公夫婦亦不客套。入席上坐。秉良旁坐相陪。乃珪乃璋。下首斟酒。裴老夫人又令乃璵坐於身畔。相偕飲酒。一席五人。並無外客。毫不拘束。欣然暢飲。頗覺快意。裴公酒至半酣。忽謂秉良曰。今歲正值科試之期。乃珪文章。工候純熟。亦當令其報名應試矣。秉良答曰。乃珪今方一十六歲。年齡過穉。小墾之意。欲待至下科。始令觀光。裴老夫人不待言畢。亟點首曰。此語深合吾意。年幼之人。何能堪此。裴公笑曰。汝之所言。真乃婦女之見也。攻試之時。人山人海。異常擁擠。更須晝夜辛苦。年幼之人。何能堪此。裴公笑曰。汝之所言。真乃婦女之見也。攻試之際。人數雖多。魚貫而入。何能擁擠。至於晝夜不眠。都因腹內空疏。作文遲滯所致。若文思迅疾。不待天晚。已可外出。辛苦何有。吾看乃珪。年雖幼小。文字極佳。儘可令其應試。何必更待下科也。正是

剛獲鳳毛開喜宴

又聽虎榜快題名

此首回也。一起卽隱括全書。籠罩無遺。而猶以爲未足。更以一篇碑文。隱隱約約。包羅下文。尤妙在殘缺不完。趣味無窮。誠妙文也。

第二回

求應試卽席賦新詩

游泮宮名場欣得路

裴公於飲酒之間。稱贊乃珪。勸秉良令其赴試。秉良因其年紀幼小。尚在躊躇之際。乃珪已起身出席言